

# 七夕

古水

壬辰年七月初七 / 2012-08-23

維天有漢，監亦有光。

跂彼織女，終日七襄。

雖則七襄，不成報章。

皖彼牽牛，不以服箱。

——《詩·小雅·大東》

古以冬至爲子，夏正建寅，漢武定之正朔，後世因襲，節律順序，陰陽諧時。

此時正素商七月，肇秋初涼，玉露新潤，金風清揚。

日行于西陸，寒氣颯颯乎自北漠來，當晝則墨雲淡暈、凍雨灑窗，侵夜則月華凝冰、夜光冷水，適機授衣，不可恃一時體健也。

婦人設案，陳列瓜果，鋪張酒炙，焚香以祀牛女二星，映月穿針，圍聚乞巧，或捉螭蛛投于合子，觀其結網疏密，論之得巧多寡，或贈磨訶羅，祈求子嗣，或食巧果花瓜，或曬櫝中藏書。又曰此日乃魁星生辰，諸生多不敢慢，是夕隆拜之，期得佐佑。

余深懷遠人，奈無鵲橋，所謂歡情離恨者，盡在此宵矣。